

## **Predgovor**

Napisati master rad predstavlja veoma težak zadatak, s obzirom da je cilj kako diplomskih, tako i master i doktorskih radova dati određen doprinos naučnoj oblasti koja se istražuje. Da bi jedan master rad ispunio svoj cilj koji smo naveli u prethodnoj rečenici, neophodno je mnogo istraživanja, prikupljanja relevantnog naučnog materijala kao i odabira segmenata rada koji će adekvatno odgovoriti na problematiku istraživanja. U tu svrhu, prikupljena je i analizirana velika količina radnog materijala kojom smo se služili u pisanju rada. Kako je tema rada oblast krivičnog i krivično-procesnog prava, odnosno maloljetničkog krivičnog prava, bilo je potrebno, s obzirom, da se radi o velikoj naučnoj oblasti izdvojiti najrelevantnije segmente koji determinišu istraživanu oblast, te ih na adekvatan način obraditi i predstaviti čitaocu, kako bi pred sobom imao adekvatan naučni rad koji obrađuje sferu kazne maloljetničkog zatvora.

Veoma često prilikom pisanja specijalističkih radova, nastane problem sa nedostatkom potrebne literature, što nije bio slučaj u prikupljanju literature za pisanje ovog rada, jer je istraživana oblast u velikoj mjeri obrađena od strane velikog broja kako domaćih, tako i stranih autora, te je i objavljen niz naučnih članaka koji su se bavili ovom problematikom, a kojima smo se služili u toku pisanja rada. Kako dakle, problem nije nastao u broju potrebnih naučnih referenci, bilo je potrebno samo adekvatno obraditi i istražiti sve bitne segmente kazne maloljetničkog zatvora te ih sistematski predstaviti u radu. Treba istaći da se pisanje naučnih radova, kada se radi o pravnim oblastima u velikoj mjeri razlikuje od ostalih naučnih oblasti, jer ne ostavlja baš veliki izbor subjektivne slobode prilikom iznošenja datih saznanja, što je i posljedica uvrštavanja pojedinih zakona koji su striktno propisani i ne postoji mogućnost drugačijeg iznošenja datih elemenata, od onih kako su napisani u zakonu.

**Sažetak:** Naziv teme master rada je "Kazna maloljetničkog zatvora s posebnim osvrtom na Republiku Hrvatsku". Rad započinje uvodnim dijelom koji razmatra osnovne postavke rada, dok se drugi dio rada bavi historijatom kazne maloljetničkog zatvora, zatim će biti obrađena sfera maloljetničkog krivičnog prava, kao i definisanje maloljetničkog kriminaliteta. Treći dio rada se odnosi na pravnu regulativu krivičnog postupka u Republici Hrvatskoj, a u nastavku rada je četvrti dio koji se odnosi na krivični postupak prema maloljetnim licima, dok peti dio rada obrađuje sferu kazne maloljetničkog zatvora. U šestom dijelu master rada biće predstavljena najprije kazna maloljetničkog zatvora u Republici Hrvatskoj, te će se u okviru te cjeline naći i prikaz ostalih kaznenopravnih odredbi, odnosno onih u pogledu odgojnih mjera, zatim kazne maloljetničkog zatvora, te sigurnosnih mjera, kao i ostalih zakonskih odredbi koje sadrži hrvatsko kazneno zakonodavstvo, a posredno se tiču kazne maloljetničkog zatvora. Zaključna razmatranja čine sedmi dio master rada. Na kraju master rada biće navedena, u master radu, korišćena literatura, te zakonski i podzakonski akti.

**Ključne riječi:** kazna, maloljetnički zatvor, maloljetnici, krivični postupak.

Summary: Name of the master's thesis topic is "Juvenile imprisonment with special reference to the Republic of Croatia". The paper starts with an introductory section that discusses the basic operation settings, while the second part of the paper deals with the history of juvenile imprisonment, then it will be processed field of juvenile criminal law, as well as the definition of juvenile delinquency. The third part of the paper refers to the legal framework of criminal proceedings in the Republic of Croatia, and the continuation of the fourth part which relates to criminal proceedings involving minors, while the fifth part deals with the sphere of juvenile imprisonment. In the sixth part of a master's thesis will be presented first juvenile prison in the Republic of Croatia, and will be part of that whole find and display other criminal provisions, namely those regarding the corrective measures and juvenile imprisonment, and security standards, as well as other legal provisions containing Croatian criminal legislation and indirectly related to juvenile prison sentence. Concluding remarks are the seventh part of a master's thesis. At the end of the master's thesis will be listed in the master work, we used literature and the laws and bylaws.

**Keywords:** prison, jail, juvenile, juvenile, criminal proceedings.